

Dumonda Tenchio concernent il remplazzament dals redactors / correspondentes da la RSI a Cuira ch'èn vegnids tramess en auters posts da corrispondenza u che stattan curt avant la pensiun

Las contribuziuns da radio e televisiun dal Grischun e da la Svizra orientala èn – ultra dals dus formats da radio en lingua taliana producids a Cuira «Grigioni sera» e «Voci del Grigioni italiano» – elements fundamentals d'ina purschida da programs autenticamain svizzers talians da vart da Radiotelevisione svizzera RSI (SSR). La regenza dal chantun Grischun ha adina mussà interess per ils programs numnads qua survast ed è adina s'engaschada per che actualitads politicas, culturalas ed economicas dal Grischun vegnian tractadas adequatamain en ils programs dad RSI.

Dapi il cumenzament da mars è Nicola Zala (televisiun) attribui al post da corrispondenza dad RSI en la Chasa federala a Berna, senza esser vegnì remplazzà. Da l'autra vart vegn Marco Petrelli (radio) a returnar la fin da l'onn, suenter la scadenza da ses segund mandat, a Comano. Sch'ins agiunta ussa anc il fatg che Gianluca Olgiati è vegnì transferì dacurt al post da corrispondenza a Turitg (ed è vegnì remplazzà d'in collega che lavura a temp parzial), è la minima chausa ch'ins po dir quella che la redacziun externa da RSI a Cuira (televisiun e radio) stat davant temps difficils.

En la dumonda d'approvaziun per in'emissiun da novitads da radio en lingua taliana tenor l'art. 26 al. 2 LRTV (brev al DATEC dals 5 d'october 2010) è Radiotelevisione della Svizzera italiana s'obligada da metter a disposiziun a la redacziun externa a Cuira 2,5 equivalentes a temp cumplain (FTE) ultra dals 4 FTE ch'existivan là gia avant l'introducziun da «Grigioni sera» (totalmain 6,5 FTE). Actualmain e facticamain èn quests 6,5 FTE reducids a 4,9 FTE, ma la lavur per ils rapports dal Grischun e da la Svizra orientala per il «Quotidiano», per il «Telegiornale», per las novitads da radio, per "Grigioni sera", per las "Cronache della Svizzera italiana" e dapi intgin temp er per las "Voci del Grigioni italiano" è restada la medema.

Dumondas:

1. È la regenza da l'avis che las forzas da lavur che stattan actualmain a disposiziun a la redacziun externa a Cuira bastian per rapportar en il senn d'in service public davart eveniments actuals, resguardond ch'il dumber d'occurrènz, davart las qualas i sto vegnir rapportà stringentamain, vegn a s'augmentar en connex cun las proximas elecziuns chantunalas dals 10 da zercladur?
2. Cura duain vegnir remplazzads ils redactors / correspondentes ch'èn gia vegnids dischlocads u che stattan curt avant in return a Comano? Cura vegn ins ad avair in redacziun che respecta numericamain las empermischuns che RSI ha fatg al DATEC?
3. Na tema la regenza betg ch'ina diminuziun cuntinuanta da personal en la redacziun externa a Cuira indebleschia a lunga vista la preschientscha dal Grischun en ils programs da RSI?

Cuira, ils 17 d'avrigl 2018

Tenchio, Papa, Atanes, Bondolfi, Cramer, Della Vedova, Fasani, Heiz, Monigatti, Noi-Togni, Pedrini, Pult, Maurizio, Wellig